

प्रादेशिक समाचार एकांश
आकाशवाणी रायपुर (छत्तीसगढ़)
प्रादेशिक समाचार बुलेटिन

18.10 मंगलवार

दिनांक 15.07.2025

प्रमुख समाचार —

- छत्तीसगढ़ विधानसभा के मानसून सत्र के दूसरे दिन आज सदन में जल जीवन मिशन, रेडी टू ईट अउ रेत के अवैध उत्खनन के मामला गूंजीस—विपक्ष ह करीन बहिर्गमन।
- मुख्यमंत्री विष्णुदेव साय ह आज श्रीरामलला दर्शन योजना के अंतर्गत रायपुर रेलवे स्टेशन ले आठ सौ पचास झिन श्रद्धालु मन ल अयोध्या धाम बर करीस रवाना।
- ईडी के टीम ह आज रायपुर में रेलवे कांटेक्टर अउ दुरुग के होटल कारोबारी के घर में मारीन छापा।

समाचार विस्तार ले

विधानसभा समाचार—01

छत्तीसगढ़ विधानसभा के मानसून सत्र के दूसरे दिन आज सदन में जल जीवन मिशन के मुद्दा गूंजीस। प्रश्नकाल में पूर्व मुख्यमंत्री भूपेश बघेल ह जल जीवन मिशन के मामला ल उठावत ए मिशन के असफल होय के आरोप लगाइन। जवाब में उपमुख्यमंत्री अउ विभागीय मंत्री अरुण साव ह किहीन कि राज्य सरकार ह दस लाख नल कनेक्सन देहे। एखर बाद विपक्षी सदस्य मन ह गलत जानकारी देके बात किहीन अउ मंत्री के जवाब ले असंतुष्ट होके सदन ले बहिर्गमन कर दीन।

उहें, नेता प्रतिपक्ष डाक्टर चरणदास महंत ह आज सदन में ध्यानाकर्षण के माध्यम ले रेडी टू ईट फूड के मामला उठाइन। ओमन गलत तरीका ले स्व-सहायता समूह के चयन अउ भ्रष्टाचार के आरोप लगाइन। संगेसंग गड़बड़ी करइया विभागीय अधिकारी मन उपर कड़ा कार्रवाई करे के मांग करीन। जवाब में महिला अउ बाल विकास मंत्री लक्ष्मी राजवाड़े ह किहीन कि नियम के तहत

रेडी टू ईट के काम महिला स्व-सहायता समूह ल दे गेहे। एखर बाद मंत्री के जवाब ले असंतुष्ट विपक्षी सदस्य मन सदन ले बहिर्गमन कर दीन।

विधानसभा समाचार-02

सदन म आज विपक्षी सदस्य मन ह शून्यकाल म रेत के अवैध उत्खनन अउ परिवहन के मामला उठाइन। नेता प्रतिपक्ष डॉक्टर चरणदास महंत ह किहीन कि पुलिस अउ खनिज अधिकारी मन के देखरेख म प्रदेस म रेली के अवैध उत्खनन करे जावत हे। ओमन अवैध उत्खनन करइया माफिया मन डहार ले कानून व्यवस्था बिगाड़े के आरोप लगावत ए विषय म चर्चा कराए के मांग करीन। विधानसभा अध्यक्ष डाक्टर रमन सिंह ह ए मुद्दा उपर सदन म चर्चा के ग्राह्यता ल अस्वीकार कर दीन। एखर बाद विपक्षी सदस्य मन सदन ले बहिर्गमन कर दीन।

उहें, आज विधानसभा म ध्यानाकर्षण सूचना के माध्यम ले भाजपा सदस्य अजय चंद्राकर, धरमजीत सिंह अउ भावना बोहरा ह बांग्लादेशी घुसपैठियां के मामला उठाइन। श्री चंद्राकर ह किहीन कि करीबन पांच हजार घुसपैठिया छत्तीसगढ़ म हावय, जेमन आधार, राशन कार्ड अउ पासपोर्ट बनाके सरकारी योजना मन के फायदा लेवत हे। ओमन घुसपैठियां मन बर डिटेंशन सेंटर बनाए के मांग करीन। उहें, धरमजीत सिंह ह रोहिंग्या मुसलमान मन ल चिन्हारी करे के मांग रखीन। भावना बोहरा ह शिकायत के आधार म जांच करे के मांग उठाइए। एखर जवाब म गृह मंत्री विजय शर्मा ह किहीन कि कई ठिन जिला मन म एफआईआर करे के कार्रवाई करे गेहे। संगेसंग टोल फ्री नंबर जारी कर लोगन मन ल जानकारी देबर कहे गेहे।

सदन म आज प्रश्नकाल के दउरान बस्तर संभाग म उद्योग ले मिले सीएसआर मद के राशि ल भाजपा सदस्य किरण सिंहदेव ह उठाइन। ओमन किहीन कि सीएसआर मद ले इक्कीस करोड़ रुपिया के राशि जारी होय के जानकारी आए हे। ऐमा ले सात करोड़ चवालीस लाख रुपिया कोन मद म खरचा होय हे। जवाब म उद्योग मंत्री लखनलाल देवांगन ह किहीन कि तीन साल के आय के अनुपात म दू प्रतिशत के राशि सीएसआर मद म खरचा करे जाथे।

शुभांशु शुक्ला-वापसी

भारतीय अंतरिक्ष यात्री शुभांशु शुक्ला एक्सियोम-फोर मिशन के तीन आने अंतरिक्ष यात्री मनके संग आज पृथ्वी म सकुसल आगे हे। अंतर्राष्ट्रीय अंतरिक्ष स्टेशन म अट्ठारह दिन के अंतरिक्ष यात्री अमेरिका के कैलिफोर्निया तट म उतरीन।

प्रधानमंत्री नरेन्द्र मोदी, विज्ञान और प्रौद्योगिकी मंत्री जितेन्द्र सिंह ह ग्रुप कैप्टन शुभांशु शुक्ला के सफल अंतरिक्ष यात्रा म खुशी व्यक्त करत ओमन ल बधाई दीन हे।

छत्तीसगढ़ के राज्यपाल रमेन डेका अउ मुख्यमंत्री विष्णुदेव साय ह घलो मिशन के ऐतिहासिक सफलता अउ सुरक्षित वापसी बर ग्रुप कैप्टन शुभांशु शुक्ला अउ उंखर अंतरिक्ष यात्री साथी मन ल बधाई दीन हे।

ईडी-छापा

प्रवर्तन निदेशालय-ईडी के टीम ह आज रायपुर म रेलवे कांटेक्टर अउ दुरुग के होटल कारोबारी के दीपक नगर स्थित घर म छापा मारे के कार्रवाई करीन। सूत्र ले मिले जानकारी के मुताबिक आज ईडी के टीम ह रायपुर अउ दुरुग स्थित कारोबारी के घर पहुंचीन, जिहां जांच चलत रिहीस हे। बताए जावत हे मनी लान्द्रिंग ले जुड़े मामला के जांच ईडी के टीम ह करत हे।

श्रीरामलला दर्शन योजना

मुख्यमंत्री विष्णुदेव साय ह आज श्रीरामलला दर्शन योजना के अंतर्गत रायपुर रेलवे स्टेशन ले बिसेस ट्रेन ह हरियर झण्डा देखाके रवाना करीन। ए ट्रेन ले रायपुर संभाग के आठ सौ पचास झिन श्रद्धालु श्रीराम जन्मभूमि अयोध्या धाम के दर्शन करे बर रवाना

होइस। ए मउका म मुख्यमंत्री ह किहीन कि मार्च दू हजार चौबीस ले सुरु होय ए योजना म बीस हजार ले जादा श्रद्धालु मन ले अयोध्या धाम के दर्शन कराए जा चुके हे। ओमन किहीन कि राज्य सरकार हए बछर छत्तीस करोड़ रुपिया के बजट ए योजना बर मंजूर करे हे।

केंद्रीय सचिव—बैठक

मुख्यमंत्री विष्णुदेव साय ह आज विधानसभा परिसर स्थित कार्यालय में केन्द्र सरकार के भूमि संसाधन के सचिव मनोज जोशी ले भेंट करीन। ए मउका म भू-अभिलेख प्रणाली ल मजबूत करे, भूमि सर्वेक्षण म तकनीकी नवाचार के उपयोग अउ राजस्व न्यायालय म लंबित मामला मन के तुरते निराकरण ल लेके विस्तार ले गोठबात होइस। खबर के मुताबिक केंद्रीय सचिव श्री जोशी चौदह ले सोलह जुलाई तक छत्तीसगढ़ के प्रवास म हे।

उहें, केंद्रीय सचिव मनोज जोशी अउ संयुक्त सचिव कुणाल सत्यार्थी ह आज नवा रायपुर म डिजिटल इंडिया लैंड रिकार्ड्स माडनाइजेशन प्रोग्राम अउ नक्सा परियोजना के प्रगति के समीक्षा करीन। ए बइठका म केंद्रीय सचिव ह विभागीय अधिकारी मनके संग भू अभिलेख के संधारण, सर्वे आदि के प्रगति के समीक्षा अउ परियोजना मनके क्रियान्वयन बर दिसा—निरदेस दीन। ओमन राजस्व न्यायालय के लंबित प्रकरण ल तुरते निराकरण करे बर किहीन। केंद्रीय सचिव ह किहीन कि जिओरिफ्रेंसिंग के काम ल जल्दीच पूरा करके किसान मन के हित म उपयोग करे जाए। संगेसंग लंबित प्रकरण मन के निराकरण बर बिसेस राजस्व अधिकारी मनके नियुक्ति करे के बात घलो किहीन।

हाईकोर्ट—जनहित याचिका

छत्तीसगढ़ उच्च न्यायालय ह जांजगीर—चांपा जिला म तरिया म बूडे ले चार झिन लइका मन के मउत के मामला ल स्वतः संज्ञान म लेहे। मुख्य न्यायाधीश रमेश सिन्हा अउ न्यायाधीश विभु दत्त के डिवीजन बेंच ह ए मामला म मुख्य सचिव ले

व्यक्तिगत सपथ पत्र के रूप में जवाब मांगे हैं। हाईकोर्ट ने ए.एम.ए. ल. जनहित याचिका के रूप में मंजूर कर लेने पर मामला के अवस्था सुनवाई अनतीस जुलाई के होनी।

उन्हें, उच्च न्यायालय ने एक आने जनहित याचिका पर सुनवाई करत छत्तीसगढ़ में साइबर अपराध के जांच में अहम भूमिका निभाना इलेक्ट्रॉनिक साक्ष्य विशेषज्ञ-साइबर एक्सपर्ट के नियुक्ति नहीं होय ल लेके टिप्पणी करे हैं। मुख्य न्यायाधीश रमेश सिन्हा अउ न्यायाधीश विभू दत्त के डिवीजन बेंच ने केन्द्र सरकार के अधिवक्ता ले पूछे हैं कि साइबर एक्सपर्ट के नियुक्ति कब तक होनी। एखर पर केन्द्र सरकार के पक्ष राखत अधिवक्ता रमाकांत मिश्रा ने कोर्ट ल बतइन कि विशेषज्ञ मन के नियुक्ति तीन चरण के प्रक्रिया के बाद करे जा सकत हैं।

शिक्षादूत-हत्या

बीजापुर जिला में आज माओवादी मन ने मुखबिरी के शक में दू जिन शिक्षादूत मनके हत्या करे देहे। जिला के पुलिस अधीक्षक जितेन्द्र यादव ने घटना के पुष्टि करत बतइन हैं कि मृतक में कौंडापड़गु स्कूल में शिक्षादूत पीलूर निवासी विनोद मड़े अउ टेकमेट्टा गांव के निवासी सुरेश मेट्टा सामिल हैं। पुलिस मामला के जांच करत हैं।

संक्षिप्त समाचार

अउ अब थोरकुन समाचार सार में —

छत्तीसगढ़ विद्युत नियामक आयोग डहारे ले बिजली के दर में करे गे वृद्धि के विरोध में आज कांग्रेस डहारे ले जिला स्तर में पत्रकारवार्ता के आयोजन करे गीस। मुंगेली में जिला स्तरीय पत्रकारवार्ता ल जिला कांग्रेस अध्यक्ष घनश्याम वर्मा ने संबोधित करत राज्य सरकार पर कतकोन आरोप लगाइन।

राजनांदगांव जिला में पुलिस ने तेरह बांग्लादेशी नागरिक मन ल पकड़े हैं। एखर मन ले पूछताछ कर दस्तावेज मनके जांच करे जात हैं।

कोंडागांव जिला के फरसगांव पुलिस ह आनलाइन अउ आफलाइन म करोड़ो रुपिया के ठगी करइया एक झिन आरोपी ल गिरफ्तार करे हे ।

बलौदाबाजार—भाटापारा जिला के पुलिस अधीक्षक भावना गुप्ता के निर्देस म म्युल खाता के पहिचान कर सात झिन आरोपी मन उपर कार्रवाई करे गेहे । अब तक होय जांच म एखर खाता मन ले तीन लाख रुपिया ले जादा के लेनदेन के जानकारी मिले हे ।

जांजगीर—चांपा जिला के नवागढ़ थाना क्षेत्र के सिऊड़ गांव म गाज गिरे ले एक झिन युवक के मउत होगे ।
